



**Fasnacht**

**2011**



**www.staubwolgge.ch**

Es isch my Frau mit voller Gwalt,  
in Georgi Clooney schwäär verknallt.  
Si het mer gsait, si het e Fruscht,  
denn s fääle d Hoor uff miner Bruscht.  
Druff han i gsait; mir hän s doch scheen,  
derfiir hesch du si uff de Zeen.

Das „i Phone“ han ych letschty kauft,  
doch noochhäär han mer d Hoor denn grauft.  
Was soll das „Ei“ han ych mi gfroggt,  
mi vaterländischs Hirn hed s bloggt.  
Versuech jo nie, das muesch vergässe,  
ains welle schelle und denn frässe.

Baseldytsch isch unsri Sprooch,  
drum lueg im neye Schungge noch.  
Bi Sennetunschi kasch au gnaisse,  
das duet Lumpeditti haisse.  
Suechsch „Ziircher“, sii ych has brobiert,  
das Schimpfwort hän si zensuriert.

Do letschti in dr BVB,  
han ych s bim Schaffner nimme gsee.  
Dää Nachtzueschlag kaa s nit verstoo  
und due däm Herr uff d Zeeche stoo.  
E Zueschlag het äär troztdäm gmacht  
und ych bi im Spital verwacht.

Dr Ali Hassan het s nie grafft  
und numme gafft statt aimol gschafft.  
e huffe het äär Driibhaft pafft  
und massehaft no Droge bschafft.  
Well d Macheschafft nit Tugendhaft,  
sitzt äär in Haft und wird Uusgschafft.

**(Achtig Ziiridytsch)**

Ich haisse Roger Schawinski,  
iich bi dä Bescht scho sit em Chindsgi.  
Was iich mach, duen iich entscheide,  
und bi so überuus bescheide.  
Mini dummi Schnorre chan iich bekunde,  
han iich nämmlig sälber erfunde.

Die Maitli do halb naggt im Bligg,  
sin superdinn und gar nit digg.  
Die Foti „Shooting“ sin nit ring,  
bisch gschtaillt vom BH bis zum Schtring.  
Und zwanzig Daag git s nit me z bisse,  
sunscht wyrd s Papier vom Bligg denn risse.

D Libido vom Berlusconi,  
isch glych wie die vom Nashorn Toni.  
Hundert nimmt äär mitenander,  
aini scheener als die ander.  
Wie macht dää das, han ych mer dänggd,  
wenn mer dehai scho aini länggd.

Bunga Bunga mit dr Ruby,  
macht das Berlusconi Bubi.  
Drey Fraue dien jetzt dryber richte,  
si Stroof als Ministrant z verrichte.  
Im Vatikan duets kain bedrugge,  
wenn sich dr Silvio dert muess bugge.

Dr Blocher findet bi dr BAZ,  
fir si Schnurre gar kai Platz.  
Das Fuudiblatt sait dää no glyy,  
dass goot däm glatt am Aarsch verbyy.  
Putz s Fuudi mit dr BAZ du Dropf,  
isch s Aarsch bald gscheyter als dyy Kopf.

**Dr Gummiblues**

Dr Papscht dää isch am grybble und sitzt elai im Dom,  
fir was au bruchsch den aigentligg numme das Kondom.  
*Äär isch so loll, äär isch so loll und findets toll.*  
E Bischoff stylpt e Gummi an Stägge mit vyyl Muet,  
äär will jo numme, dass dr Stägge nimm so klopf duet.  
*Äär isch so loll, äär isch so loll und findets toll.*  
Dr Brueder Klaus dä fillt in, d Kondom no Kalbsbräät yy,  
kocht si denn im Wasser haiss und bisst denn gnysslich dryy.  
*Äär isch so loll, äär isch so loll und findets toll.*  
Dr Kardinal dä sammlt Kondom in jeder Art,  
bloost si denn mit Helium uff und macht si Himmelfaart.  
*Äär isch so loll, äär isch so loll und findets toll.*

---

Wottsch au by uns bänggle ?

Schigg doch aifach e Brief in unser Boschtfach  
VSG Postfach 4365 4002 Basel

Oder goosch uff, [www.vsg-basel.ch](http://www.vsg-basel.ch)

---

Drugg: H. Leidenfrost AG, Glai Basel